



BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
KANTONALNA UPRAVA CIVILNE ZAŠTITE



Broj: 17-11-376-19/24
Goražde, 20.11.2024.godine

Na osnovu članova 70. i 114. Zakona o organizaciji organa uprave u Federaciji BiH („Službene novine Federacije BiH“, broj: 35/05), i člana 70. Zakona o javnim nabavkama („Službeni glasnik BiH“, broj: 39/14, 59/22 i 50/24), a u skladu sa Zapisnikom o pregledu i ocjeni ponuda za nabavku opreme - odjeća i obuća, dopunski dijelovi odjeće i oprema pripadnika civilne zaštite broj: 11-376-15/24 od 18.11.2024.godine, direktor Kantonalne uprave civilne zaštite Bosansko-podrinjskog kantona Goražde **donosi:**

O D L U K U

**o odabiru najpovoljnijeg ponuđača za nabavku opreme - odjeća i obuća,
dopunski dijelovi odjeće i oprema pripadnika civilne zaštite**

Član 1.

Ovom Odlukom za isporuku opreme - odjeća i obuća, dopunski dijelovi odjeće i oprema pripadnika civilne zaštite prihvata se ponuda broj: 507/24 od 31.10.2024.godine koju je dostavio ponuđač KM TRADE d.o.o. Visoko sa ponuđenih **20.200,00 KM** bez obračunatog PDV-a. Obračunati PDV na ponuđeni iznos je **3.434,00 KM**. Iznos za ugovor sa obračunatim PDV-om je **23.634,00 KM**.

Član 2.

Sredstva za realizaciju nabavke opreme iz člana 1. ove Odluke obezbjeđena su u budžetu Kantonalne uprave civilne zaštite Bosansko-podrinjskog kantona Goražde za budžetsku 2024.godinu, sa podračuna sredstava ostvarenih po osnovu posebne naknade za zaštitu od prirodnih i drugih nesreća, na ekonomskom kodu 613400 - Nabavka materijala i sitnog inventara (namjenska sredstva).

Član 3.

Po pravosnažnosti ove Odluke sa ponuđačem iz člana 1. ove Odluke zaključit će se ugovor o isporuci predmetne robe, a sve u skladu sa prihvaćenom ponudom.

Član 4.

Ova Odluka stupa na snagu danom donošenja i ista će biti objavljena na službenoj web stranici Vlade Bosansko-podrinjskog kantona Goražde (www.bpkg.gov.ba), uz istovremeno upućivanje ponuđačima koji su sudjelovali u postupku javne nabavke, a u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke robe - odjeća i obuća, dopunski dijelovi odjeće i oprema pripadnika civilne zaštite, broj:17-11-376-1/24 od 04.10.2024.godine. Javna nabavka je provedena putem konkurentskog zahtjeva. Procijenjena vrijednost nabavke iznosila je 20.513,00 KM bez PDV-a, odnosno 24.000, 00 KM sa PDV-om. Obavještenje o nabavci broj: 373-7-1-8-3-3/24 od 21.10.2024.godine je objavljeno na Portalu javnih nabavki, Tenderska dokumentacija broj:17-11-376-11/24. Komisija za javnu nabavku imenovana je rješenjem direktora Kantonalne uprave civilne zaštite Bosansko-podrinjskog kantona Goražde broj:17-11-376-2/24 od 04.10.2024.godine.

Komisija za javnu nabavku dostavila je ugovornom organu, direktoru Kantonalne uprave civilne zaštite Bosansko-podrinjskog kantona Goražde, Zapisnik o pregledu i ocjeni ponuda broj:17-11-376-15/24 od 18.11.2024.godine, sa prijedlogom Odluke o odabiru najpovoljnijeg ponuđača za nabavku opreme - odjeća i obuća, dopunski dijelovi odjeće i oprema pripadnika civilne zaštite i Izvještaj o radu broj:17-11-376-17/24 od 19.11.2024.godine, u postupku nabavke roba - odjeća i obuća, dopunski dijelovi odjeće i oprema pripadnika civilne zaštite.

U postupku po Izvještaju o radu utvrđeno je da je Komisija za nabavku blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike u kojima je konstatovala sljedeće:

- da su u predmetnom postupku zaprimljene dvije (2) ponude;
- da su blagovremeno zaprimljene dvije (2) ponude;
- da nije bilo neblagovremeno zaprimljenih ponuda.

Po zahtjevu za dostavljanje ponuda pristigle su, u roku određenom zahtjevom, ponude sljedećih ponuđača:

Prva pristigla ponuda

Ponuđač: KM TRADE d.o.o. Visoko

Sjedište ponuđača: Visoko, Čaršijska bb

Ponuda dostavljena: lično

Vrijeme dostavljanja: 05.11.2024.godine u 08,50 časova

Ponuda zaprimljena pod brojem: 17-11-376-12/24

Broj ponude: 507/24 od 31.10.2024. godine

Druga pristigla ponuda

Ponuđač: Euro Vez d.o.o. Tešanj

Sjedište ponuđača: Tešanj, Rosulje broj 82, Jelah

Ponuda dostavljena: poštom

Vrijeme dostavljanja: 05.11.2024. godine u 10,00 časova

Ponuda zaprimljena pod brojem: 17-11-376-13/24

Broj ponude: 050-11/24 od 01.11.2024. godine

Detaljnim pregledom dostavljenih ponuda Komisija za provođenje postupka je utvrdila sljedeće:

- da je prva pristigla ponuda koju je dostavio ponuđač KM TRADE d.o.o. Visoko formalno ispravna i da ispunjava sve uslove tražene u TD i obavještenju o nabavci, uključujući i dostavljene uzorke koji su u skladu sa Opisom tehničke specifikacije iz TD, odnosno Pravilnikom, te je ista ocijenjena kao **prihvatljiva**.
- da druga pristigla ponuda ponuđača Euro Vez d.o.o. Tešanj, nije formalno ispravna, naime, sva opšta dokumentacija je dostavljena u skladu sa TD i obavještenjem o nabavci, ali je prilikom pregleda dostavljenih uzoraka Komisija utvrdila da dio dostavljenih uzoraka nije u skladu sa Opisom tehničke specifikacije iz TD, odnosno da ne ispunjava sve zahtjeve prema Pravilniku, te je na osnovu toga ista ocijenjena kao neprihvatljiva.

Uočene bitne nedostatke na uzorcima dostavljenim od ponuđača Euro Vez d.o.o. Tešanj navodimo u nastavku, kako slijedi:

Uzorak – stavka 1 – Jakna sa podjaknom

- U gornjem leđnom dijelu jakne, nije postavljen znak civilne zaštite niti su narandžastim slovima utiskana početna slova nadležnog organa civilne zaštite „KUCZ“, što nije u skladu sa tačkom 1.1.1. Opisa tehničke specifikacije, odnosno članom 10. tačka (10) Pravilnika.

Uzorak – stavka 4 – Zimske pantalone

- Šlic sa lojštukom sa dužinom pojasa se ne zatvara metalnim zatvaračem do pojasnice (zatvarač je PVC), što nije u skladu sa tačkom 1.4. Opisa tehničke specifikacije, odnosno članom 14. tačka (3) Pravilnika.

Uzorak – stavka 11 – Radni opasač

- Kopča opasača nije od odgovarajućeg materijala (propisano je da bude od nehrđajućeg čelika, a na uzorku je materijal PVC), što nije u skladu sa tačkom 1.11. Opisa tehničke specifikacije, odnosno nije u skladu sa članom 21. tačka (3) Pravilnika.

Uzorak 14. – Ranac za pakovanje uniforme civilne zaštite

- Ranac nema ručku za nošenje;
- Unutrašnjost ranca nema tri unutrašnja džepa, platneni džep nema patentni zatvarač, što nije u skladu sa tačkom 1.14. Opisa tehničke specifikacije, odnosno nije u skladu sa članom 25. tačka (3) Pravilnika;
- Na vanjskim džepovima (gornji i donji), nisu našivene čičak trake što nije u skladu sa tačkom 1.14. Opisa tehničke specifikacije, odnosno nije u skladu sa članom 25. tačka (6) Pravilnika.

Na osnovu naprijed navedenog, Komisija za provođenje postupka predmetne javne nabavke je ocijenila da Ponuda koju je dostavio ponuđač „Euro Vez“ d.o.o. Tešanj ne ispunjava uslove u pogledu dokaza traženih pod tačkom 14. b) TD - tehnička i profesionalna sposobnost - član 49. ZJN, gdje je definisano da ponuđač mora dostaviti uzorke za artikle koji su predmet nabavke, a koji moraju ispunjavati sve zahtjeve prema Opisu tehničke specifikacije za nabavku i isporuku odjeće i obuće, dopunskih dijelova odjeće i opreme pripadnika civilne zaštite, odnosno sve zahtjeve iz Pravilnika, te je na osnovu toga predmetna ponuda ocijenjena kao **neprihvatljiva**, i iz istog razloga odbijena kao takva.

U postupku ocjene provedenog postupka direktor Kantonalne uprave civilne zaštite BPK-a Goražde nije našao nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija za javnu nabavku u svemu pravilno postupila, te je prihvaćen Zaključak Komisije kojim je predloženo da se prihvati ponuda KM TRADE d.o.o. Visoko.

Na osnovu svega navedenog odlučeno je kao u dispozitivu ove Odluke.

PRAVNA POUKA: Protiv ove Odluke može se izjaviti žalba URŽ-u putem ugovornog organa u skladu sa članovima 99. i 101. Zakona o javnim nabavkama (Službeni glasnik BiH”, broj: 39/14, 59/22 i 50/24) u roku od pet dana od dana prijema ove Odluke. Naknada za žalbu je propisana članom 108. Zakona o javnim nabavkama.

DOSTAVLJENO :

1. Ponudačima i
2. a/a.



DIREKTOR

Mihat Hadžomerović, DVM, MVSc, PhD